

白川劉公奏議卷之五

舉劾武職主客官員以昭勸懲疏

臣會同巡撫順天都御史楊兆議照薊門邊事居常經營  
有事防禦皆賴主客大小將士之力今秋防既竣例當舉  
劾以三將言之如振武管副總兵史綱師中丈人人中君  
子領振武則聲色不動而威令風行邊建昌則威惠並流  
而權聲雷動處

國事如家事廉而有爲練衆心爲一心勇自無敵客雲標下  
左營副總兵張臣熊虎之姿千城之器生擒賊夷而入龍  
王谷誰不憚其威稜獨驅羣胡而填棒槌崖今猶傳其偉

績創戰臺而以控諸山之險相度尤詳增懸樓以聯五寨  
之衝規模甚壯右營副總兵董一元捷若猿伸威如鷹擊  
練標騎而行伍素嚴足膺前鋒之選合車營而機鈐悉諳  
尤稱有制之兵黃花鎮副總兵程九思剛方不撓孤忠自  
許修邊則金湯勢固

山陵之重地無虞練士則虎豹威雄關寨之頽風日起居庸關  
副總兵孫山忠誠根於天性廉潔迥出時流革占役勾空  
餘則行伍日充嚴譏察通商旅則邊關自肅石塘嶺叅將  
陳勛有勇有謀任勞任怨修守殫拮据之力一方之鎖鑰  
獨嚴偵諜察緩急之情十路之耳目有賴犒士則囊貲不  
恤惠豈止於分甘撫軍則魚梁無禁操益彰其如水馬關  
谷叅將楊鯉魁梧之貌倜儻之材許

國以身所志不在安飽臨敵賈勇胷中自有甲兵拊循以恩  
士卒願效其死力而簡蒐之實效並臻秋毫無犯部領咸  
懾其廉威而修守之勞績茂著邊州叅將聶大經雅度清  
標雄才遠略當衝劇之地應酬不見倉皇撫凋敝之軍振  
作日覺精采條議允合機宜舉勳趾爲誇大軍門中軍叅  
將張爵剛正不阿操縱有體軍中軍宜德達情痛絕苞  
苴之交兼理奇兵練營繕械好旌之色三屯營標下  
營遊擊史宸志向耻同流俗風槩可冠諸軍却常例殆及

千餘金米操不染追賊夷不遠數百里虎穴可探練兵悉  
遵將令已受國士之知戒酒無忘母訓尤多孝子之譽遵  
化標兵營遊擊孫朝梁關右名家忠臣良胄仗劍期成乎  
先志扼腕必報乎父讎操守可比冰霜始終不渝其節忠  
誠可對天日毀譽不改其心遊兵營遊擊陶世臣青年美  
器銳志雄才操守不染於苞苴管軍感挾續之仁精力實  
殫乎汗血卒伍奮投醪之報革占役已得正已之先務清  
迹故大收散漫之軍心昌平標下營遊擊谷九臯驍健有  
力機警多謀抵掌而談邊務山川之險易周知矢志欲滅  
強胡戰守之機宜悉諳鞏華營遊擊李時鷹揚欲擊虎視  
生威建臺獨稱壯麗且多在險絕之山練伍足見精明元  
備開述亡之數太平寨遊擊楊秉中軀幹不群技藝絕衆  
偵犬羊之向背明如指掌制鼠狗之窺竊捷若探囊收沙  
漠而人盡圖備見恢弘遠略歷險阻如履平地足稱控馭  
雄才被誦而志節彌堅使過而中外翕服臺頭營遊擊王  
軫清雅之度剛正之才無爲合而威惠並施甘苦必與士  
同馭犬羊而禦黃虜以清白每以身倡曾登武薦胸中之  
韜略原多今守前區塞上之金湯可託曹家寨遊擊王旌  
雅簡有若儒生老成足稱長子改修衝邊之臺座風雨不  
辭本還被獲之軍丁艱險不避却商餽以通市貿開樵禁

以便軍旅雅有猷爲曾無粉飾白羊營遊擊劉戡力不辭  
難剛能任怨防邊已逾三載一路之建樹獨多臨下惟秉  
此心衆口之紛紜莫恤大水谷遊擊張涇心地忠誠才猷  
勇奕兵初合於車營即極意經理雅有吞胡之志軍已免  
其工作而隨處補修不忘先事之防扣逃故銀七百三十  
餘兩悉貯府庫毫髮無私清逸故軍一百二十餘名通發  
邊關緩急有賴黃花鎮守備李世臣有守有爲多六多藝  
治師則寬嚴並用威動三軍修邊則樓堞獨雄首冠諸路  
八達鎮守備王陽又任邊關暢達軍務據八達之要津譏

察匪解近

諸國之重地保護惟嚴羅文谷守備王經貌如鬪虎技能  
在關西曾膺衝鋒之選每攘臂以追胡守薊東懋著驍健  
之名誓殫心以報

國清操不逐乎時流遠識可擬乎名將龍井兒守備薛經才  
能達變志存立功革墩軍之月錢執撫賞之舊額營本困  
敝而招軍補馬依然一路之貔貅地當衝要而繕堡增臺  
屹然重關之虎豹守備王祿勇足折衝守無緇染  
訓士則寢食相同澆俗取壽之道修工則堅久可恃備嘗  
胼胝之勞鎮邊城守備胡忠事體諳練騎射優長除行伍  
虛冒之好物談不起華銷行賒取之弊行檢知脩薊州守

備王浚於武科留心邊務承委而頃刻可辦恤軍而撫  
摩其勤在清屯規畫皆備邊之長策練軍補馬修爲非  
紙上之強又密雲守備管邊幹由邊序而歷戎行以儒術  
而陳武備好厚在邊能計執於千里之外劇盜不逞每生  
擒於數步之間三屯營守備崔經和平之氣敏慧之才督  
車房而工有章程嚴城守而事無騷擾戰績夙著於擒倭  
綜理復便於備邊新州守備馬應奎志在有爲守更清潔  
嚴緝捕之法而四境底寧縛窩賊之寇而一方股慄才無  
愧于干城方可勝乎重地

壽山守備魏琦落落之才跣踵之行慎捕緝則劇盜屢獲嚴  
於檄而暮夜無虞雖素行不無可議令使過實能自親冷  
口提調孫世勳熟諳虜情暢達邊事任衝關則撫處得宜  
屬夷畏而且懷造敵臺則壯麗無匹軍士勞而不怨哨探  
之令獨明於城之防尤謹界嶺口提調陶於儒優於綜理  
嘗衝圍而克濟善於拊循凡疲卒之逃亡  
輒聞風而歸併青山屬夷之賞曾無難色擒北虜內窺  
之奸素有威名將軍管提調徐槐出自將門絕無統袴之  
態久居衝塞不聞科剋之聲修守知勤撫賞尤善鎮虜營  
提調張應時俊偉之度清修之守部伍多撫輯之惠而荒  
田開墾尤多修臺著版築之勞而火器製造尤備以上諸

臣內史綱張臣董一元程九思可備邊方大將之選孫山  
可備京營漕運副總之選陳勛楊鯉資望俱深應加副將  
職銜史宸楊秉中劉戡張涇王旌應加叅將職銜張應時  
應加守備職銜李世臣王陽王經薛經遇有本鎮遊擊員  
缺亟宜推用祝琦才本可用任非其地宜量才別敘以示  
曲全聶大經張海孫朝榮陶世臣谷九臯李時王軫宜備  
副叅之任王祿胡忠王汲管達幹崔經馬應奎孫世勳陶  
於儒徐槐宜備遊守都司之用者也以客將言之如寧夏  
副總兵蕭文奎有道之象和而有威老將之才爲而不伐  
分甘茹苦愛士如保嬰兒履險蹈危修邊若營家計山東  
民兵營叅將曰福才猷煥發無負高科節志

將民兵素善飲博禁之即止且能作其投石超距之氣錢  
糧香多漆指斷在不汚其復見其激頑立懦之風宣府遊  
擊守平方城流寇在關果曾在虜中習見兵革而略無  
懼色每出塞一戰而角而勃起闔容修守獨多不緣客  
將而少懈練閱有法頻年入衛而愈勤延綏遊擊陳天福  
忠能就事勇則兼人生長邊方洞悉夷情之出沒屢經戰  
陣深明師旅之韜鈴修臺已歷三防每先期告竣即任勞  
任怨之不辭入衛獨當一面能因地設險而或戰或守之  
皆制固原遊擊劉葵發跡武科素有平胡之策兼通文事

雅崇儒將之風馭眾則賞罰甚明冷口關之修守更多防  
邊則夙夜匪懈雞林山之墻臺尤固定州遊擊徐行丰標  
英偉才識精明防守太平寨之衝每預嚴桑土之撤助修  
五重安之堡足堪為保障之資遼東遊擊李惟一曾登武  
薦知尚清修面上傷痕備見臨敵之勇胸中醞藉實長統  
眾之才修守多勞衝邊有賴保河民兵遊擊王撫民年屬  
青齡才如老將兼督邊工雖披星戴月而忘其勞撫恤軍  
士即推食解衣而莫之吝河南領班都司劉世恩老練才  
力氣節演車營動遵投率能轉弱以為強談邊務悉

宜實變客而為主河南領班都司葉鎧雄偉之器  
直之資督軍有清白之風真一毫而莫染任事見忠亦之

膽雖百折而不回山東都司孟杰事體素諳法紀知嚴散  
軍餉必請監官且明扣逃亡以還庫足占持已之操董工  
作必嚴期限且身親春鍾以先勞尤見奉公之義署都司  
事守備李實忠誠夙秉謀勇兼資起家世胄全無統袴之  
風奮跡武科謫習韜鈴之說修臺耻居人後見虜誓欲當  
先以上諸臣內斬付陳天福劉葵徐行入衛歲久勞多應  
加叅將職銜劉世恩應加遊擊職銜蕭文奎等俱應循資  
以備擢用者也以聽用廢閑將領言之如致仕叅將盧國  
讓振古名流當世人傑居邊四五年性酬知己之遇全無

計利之心造砲六十萬期成滅虜之功不願封侯之賞撫  
院中軍原任叅將徐枝平易近人清白自檢傳宣號令久  
孚上下之心洞達邊情尤著戰守之略原任叅將姚龍騎  
射優閑志不忘乎馬革操持清潔節可擬之羔羊計擒西  
山積歲之大盜具見克壯謀猷創新

畿內兩邑之城廓尤占不朽事業原任叅將馬承胤忠實不  
欺艱危弗避守邊任櫛風冒雨之苦修臺有牴足胼手之  
勞官久淹於閑曠每自嘆其數奇志不懈於有初人亦稱  
其難得原任叅將李信身經百戰守畏四知石門版舖之

功爲諸  
年力與才華共懋祗緣父有遺誣遂致子之

過用須及時原任叅將周孚先練達有爲剛方不屈修臺  
種樹足跡徧十路之間督陣署營賢勞歷七防之久原任  
遊擊丁天福才能集事廉以裨身率疲卒以修臺乃先期  
完報足占程護之勤傾囊資以自給非分不取尤見操持  
之潔原任守備李尚賢久任薊東專心塞上領新軍而習  
車戰能收方渙之人心管石砲而設衝邊足壯無敵之聲  
勢原任提調莫幹功忠誠足貫金石清節可質神明奉委  
則任勞任怨事必期於有終處人則不忤不求行尤謹於  
細節以上諸臣內盧國讓已致仕難以加銜合給應得



白川奏議 卷之五 九  
誥命以示優異徐枝等宜及時推用俾各盡其才者也以主客  
各營中軍千把總言之如密雲右營中軍房相器度深沉  
性資溫雅布行伍而止齊有法紀律日見精明馭軍士而  
痛痒相關病藥親爲調治標下左營中部千總童綱膽略  
雄烈器宇恢弘射藝有貫革之能羣牧有騰槽之勢任堪  
一劍力絕三軍右部千總盧棟赳赳之貌翼翼之心練兵  
而披赤於行間衆心已附給餉而絕直於士伍物議無聞  
曾擊虜於灤東久留良於冀北標下左營千總張承武志  
尚端潔戎事周詳入衛能卻常例而惠洽軍心督工不徇  
私情而功垂絕塞石匣營中軍毛詩操持始終不易忠誠  
上下相孚司中軍而和勝於威士卒自爾親附練軍管則  
勤能補拙部曲日見整齊遵化遊兵營中軍徐從義壯志  
屈而愈奮清操久而彌堅買馬練兵銳念不從虛套清糧  
革冗實心惟在奉公車管之綜理獨優臺工之勞績尤著  
坐營李秉鈞體貌剛方才猷警敏馭狡猾之營兵修守不  
遺其餘力處千總之下位操持無間於有初標兵營中軍  
葉鱗年力方強儀貌亦佳通佛朗機省還已定官價五百  
餘金委脅腰刀釐革先營虛耗三百餘兩囊橐屢乏曾無  
意於誅求于盾當先素有志於樹立千總李逢時銳意功  
名堅持節操談戎務則疊疊不倦雅負韜畧之奇治練兵

則井井有條可備干城之選千總劉確論藝既精通人更  
純朴治營務如理家練兵補馬不尚虛文視軍丁若赤子  
散賞關糧胥沾實惠三屯營南兵千總黃宗統手標清勁  
性格真純奉委兢兢守法志耻同乎汚俗居身凜凜自持  
守不變于困窮會展驥于江南今脫類於南北中軍劉應  
時機智圓活識見恢弘督造則器皆犀利而樽節亦多管  
軍則法尚嚴明而怨謗不恤左營中軍周棟掌號令則調  
度有方建臺樓而經營得法率本營之常例廉自有成濟  
欲逃之貧軍惠而不費雖同事惡其獨醒而孤介自能出  
色永安營署坐營雷丁占總李李管持身無染議事有條修  
而一味詭隨體統皆以盡失被生儒國辱至拔去鬚髮  
敢敲言聽下人主唆如舞弄傀儡全無張主青山口提調  
伍湖操守雖稱清謹齒齡已逼桑榆防禦空疎任屬夷之  
出入而莫之禁法令寬縱受哨夜之玩弄而不敢言壯氣  
已消印一籌而難展志趨近情難行去以爲安永平守備  
葛紹忠斗筭之才壯氣之子見府官亦執屬禮但未言而  
先諾臨部下全無威儀雖有令而不行先任燕河中軍修  
城繕械每致後期今轉永平守備清軍理屯會無寸效大  
寧領班都司時天爵才本闌茸志更貪饕以雇募牢伴爲  
事端沿途需索不下數百金以犒賞匠役爲騙局闔伍剝

求不止數十次營伍成隊私逃莫能鈐束諸軍連名告許  
乃事私和潮河川守備劉尚仁年力尚壯志向已頽心懷  
奔競則借避商王志銀五十兩挾庫子劉守用銀二百兩  
以充實緣之用志在宣淫則奸軍妻王四兒於新營包娼  
婦李秋蘭於密鎮殊無顧忌之心法令久已廢弛舉動每  
見狼狽以上諸臣內管英宜更調別鎮以便行事葛紹忠  
伍潮宜改調內地以全器使時天爵劉尚仁亟宜罷斥者  
也伏乞

勅下該部再加查訪如果臣言不謬將史綱等遇有大將缺推  
用主將陳勛等客將靳付等各一撤而守遇有差  
擊缺相用祝瑄別叙聶大經等王祿等照資推用盧國讓  
請給

誥命徐枝等房相等各附簿待用管英葛紹忠等更調時天爵  
等罷斥遺下各缺速爲推補庶勤事者知勸偷惰者知懲  
而邊方亦得以攸賴矣

隆慶五年十二月 日

臣等以事起倉卒兵備官員疏

臣會同巡撫順天都御史楊兆議照本年外夷款附邊塵

未揚誠

國家無事之時然而仰遵

廟謨乘時內治邊臣實未敢忘有事之備所擬劾勞兵備等官

合行照例奉刺以備勸懲者待承平兵備通副使務應元

才猷輝霍器宇冲醇應地方之難無不坐鎮有餘禦象右之

跳梁法行不擾終歲陟降平邊地即為道平曠皆其備歷

之地立法必恤乎民隱雖窮鄉深谷無不軫恤之仁通撫

引以實邊倉慮獨深於根本務盡心以裨

國計法尤慎於關防方屬艱大之投允稱鎖鑰之寄薊州兵  
備道副使徐學古志存經世才足無人抑邊官之貪橫具  
見威稜省所屬之供需尤聞節縮簡蒐訓練則號令精明  
士有投超之氣刷奸剔弊則考稽有法民無偏累之虞理  
餉清蠹耗之源建倉定經久之計簡用方新大受可卜密  
雲兵備道副使王一鶚青妙有老成之度敦大具明作之  
才邊事之練習以深秣馬厲軍處置自見其得體圭角之  
渾融已盡居身御衆操縱自爾其合宜稽軍伍虛耗之源  
則按籍而奸欺畢發定縣驛均平之議則劑量而損益無  
差稽查庫藏穴中之狐鼠以清廉治奸貪案上之風雷其  
肅文章足以華國武畧裕於籌邊昌平兵備道僉事張廷  
弼賦性沉潜存心愷悌燕居而惰慢不設足見矜持之功  
臨下而聲色不加尤徵溫粹之學軫守臺戍卒之苦而處  
給衣糧則三重覆被續之溫慮關市稅課之繁而設法稽  
考則行旅動出途之願凡事務求實用居身尤厭紛華以  
上各官稱極一時之選俱應薦揚內孫應元徐學古王一  
鶚可備他日邊腹開府之任而張廷弼年資稍淺相應久  
任以需大受者也伏乞

勅下該部再加查訪如果臣言不謬將孫應元等破格擢用張  
廷弼久任庶賢才彙進邊臣益勸矣

隆慶五年十二月十三日

唐是遠方有司以舊賢前政

臣會同巡撫順天都御史楊兆議照防邊禦虜固將士之  
責一應脩城繕堡清軍理餉勘事查邊等項則有司之力  
居多訪得永平府知府辛應乾本渾厚而出之以精明率  
平易而濟之以嚴勵四知無媿心事可對神明六郡有懷  
生仰若父母脩城池嚴收保莫非保障之計謀建義倉  
行保甲尤見宜民之善政曾司餉於灤良將士猶懷恩於  
臣昔年任守令永平善政並有德於茲蘇吏治固當世之  
循良武畧實斯民之師帥本府推官陳訓性資弘毅識見  
英明清久淹之冤獄即人情微暖無不立斷當查盤之控

徇而邊倉夙弊爲之一清勤民隱而佐理周詳利弊敷陳  
甚悉糾官邪而勉加督察減否甄別尤嚴密雲鎮管餉河  
間府通判盧經吏事精明操持謹飭倉庾存積之數徧行  
查盤奸人之侵冒畢露商漕轉運之糧躬親日約三軍之  
懽動如雷慎關防雖輿隸不肯輕差革分例即薪木亦其  
自辦雅稱清白之良吏允爲科目之遺材遵化縣知縣王  
宣化守若處女之貞才同老吏之練稽察嚴於近習雖小  
過不容威令行於權豪雖巨奸罔貸修城繕械即兩防之  
戒嚴而四民安諸勘事查邊見諸訟之立辯而衆口稱神  
任久而善政愈多資深而芳聞益遠安縣知縣趙雲翔  
才守兼優實屬山月反加方右御門之宰與聖恩之厚

獨閭閻之民隱畢照談兵則究極戰守之法莫非制勝之  
壯猷理餉則徧歷遼薊之間能定經

國之大計有文事亦有武備稱吏治亦稱邊才順義縣知縣  
曹維新才能治劇政足宜民任河津之邑而輕徭薄賦瀉  
爲動安宅之歌撫困罷之民而拯災恤患蒸黎獲樂土之  
適議築城于牛欄山旣利行旅之往來而居民之保障尤  
賴議改倉於順義縣旣便漕糧之轉運而本處之商販亦  
通雅有經濟之才無媿循良之譽平谷縣知縣劉愛寬以  
濟猛廉自生威節里甲清走通撫予遺之小民而煦煦惟

恐有傷修臺隍除戎器慮衝邊之孤邑而兢兢曲爲有借  
忠貞自許無愧清白之家嚴治行尤修誠爲

畿輔之民望以上各官効勞邊方賢嚴久著俱應薦揚辛應  
乾堪備他日兵備之選陳訓盧經各循資待用王宣化趙  
雲翔資望俱深宜爲徵擢曹維新劉愛相應久任以需後  
效者也臣等又看得密雲縣知縣邢玠金玉清標冰蘖雅  
操當盤錯之區而理繁治亂自迎刃而有餘承流敝之後  
而摘伏發奸誠觸機而立斷下車首清庫藏出納毫髮無  
私行法必先吏書關防纖微必謹夜分乃寢誠素履之無  
留未明求衣直啟處之未暇四境之頌聲已作百里之民  
庶相安雖年資尚淺聲華籍甚相應併薦以勵將來者也  
伏乞

勅下該部再加查訪如果臣言不謬將辛應乾陳訓盧經待資  
擢用王宣化趙雲翔及時徵擢曹維新劉愛邢玠久任庶  
邊臣得以勞自見而地方得以因人爲久安矣

隆慶五年十二月十三日



遵

明旨攄愚見條陳薊鎮事宜以少裨邊方大計疏

准兵部咨該清軍御史馬三樂條議十事一曰重職任以責成效二曰清冊籍以釐姦弊三曰厚貼裝以恤軍解四曰練精壯以裨實用五曰立程限以嚴稽考六曰嚴法例以杜私逃七曰預脩儲以厚存恤八曰禁妄勾以免騷擾九曰禁苛刻以蘇軍困十曰酌邊腹以均補伍俱經兵部逐款覆議奉有

欽依備咨前來准此該臣會同整飭薊州巡撫順天都御史楊兆議照清勾之舉廢而不行久矣茲蒙我

皇上軫念

京陵重鎮軍伍空虛

特遣憲臣四出奉

簡書遠適數千里清理軍額期爲

國家壯根本收富疆之效甚盛舉也第考諸往事有司奉行未至多屬虛文軍人尋解尋逃竟鮮實用蓋緣稽核無法存恤失宜上下玩愒僅了故事如此則憲臣爲徒勞地方爲多事而臣等妄言輕舉之罪益重故自奉

命以來詢諸兵備孫應元等總兵戚繼光等多方集議各陳所

見臣等不揣陋劣妄爲酌量列爲十事冒昧上

請以補馬御史原議之所未盡如蒙乞

勅兵部再加查議如果臣等言有可採覆議請

旨定奪通行遵照施行庶清理之曠典不虛而重鎮之戎政有

賴矣

計開

一議軍由爲照

國初慎重軍政每軍置有花欄由帖備載軍人姓名貫址地產戶丁之數永執爲照法典森嚴所以防逃亡之漸正清勾之源杜寬匿之端使補之令世世不容易者奈何承平日久奸詭漸出應軍者繫邊城長子孫未暇時回原籍

取討幫貼間有行者戶丁坐視不理或訟至官府反遭箠楚一則躲目前供幫之費二則絕後來清勾之路軍士逃亡行伍空虛正坐此弊然則今日清軍之舉似當首復軍由之制合無

勅令清軍御史督行清軍道轉行各該軍衛有司將一應清出軍人就將本軍合戶人丁貫址地產并軍繼軍裝姓名數目俱用堅厚紙張印刷花欄由帖填寫于內用印鈐蓋給付本軍收領永為世守候解邊之日督撫定衛批發該道將新定衛分一併填註由內此不惟便於取討軍裝亦可虞為他日清勾之地仍乞

兵部定為由式頒行天下造冊印冊九分畫一伏乞  
聖裁

一議軍冊為照軍之有冊即水木之有本源

國初軍籍不許析戶意甚遠也邇來奸頑之徒往往避重投輕賄囑官吏交通里書胤匿版籍更改姓名莫可究詰今欲議復軍田又官司正軍籍合行清軍衙門嚴督有司將應清軍丁或檢查底冊或許令許首務究極弊源通行歸正每解軍一起即造為一冊將本軍戶丁地產貫址俱在其內仍楷書大字某人原係某衛某所某處戍守曾空一行待薊鎮督撫批定衛分另行填入其充發永遠軍人雖

係民匠等籍亦附造軍籍之後就付解軍委官賚送本鎮  
督撫批定衛所發該管兵備道轉發該衛登簿仍繳回該  
道收貯通候解軍完日類總造冊五本一報兵部一呈軍  
門一呈巡撫一留本道備照以防日後逃伍及軍士損失  
由帖告明補給之地一發原籍布政司以備後日清勾其  
各省軍冊仍每十年隨黃冊一造各軍由帖亦十年更給  
一次如此則清理有所據奸狡莫之容似亦今日清軍之  
急務也伏乞

聖裁

一議軍裝為照

一石足以養一死士也今民間快壯膏皂等役每歲動費

顧值十數金少不繼則不能驅之就役况邊軍有鋒鏑之  
危有工作之苦撫夷買馬脩邊繕械等費種種多端即土  
著之兵猶難為自存之計况新勾軍士不賴幫貼欲使之  
不逃得乎合行清軍御史轉行各該有司備查某州縣該  
清解軍人若干即查某軍實有戶丁若干田地若干每丁  
每地應該幫貼若干酌為常數以便收討中間縱有丁倒  
戶絕者亦須將佃地之家從輕量議幫貼其幫軍丁地有  
司量免雜差以示優恤庶戶人樂于供輸軍人得沾實惠

軍裝既定填入由帖或令本戶繼丁供送或本鎮給帖回籍類總收打如有戶丁恃頑不理許所在官司追給不得軍民異視致生偏護以悞邊計再照前項軍裝軍冊軍由止爲清勾之軍言之其見在戍邊軍士皆貧苦無依尺籍靡定合無勅下該部再加詳議趁有清軍御史在彼勞爲一體經理庶幾重鎮之軍永無逃亡之患矣伏乞

聖裁

一議軍伍爲照天下衛所軍伍調度悉有章程而混亂莫可致詰者惟薊鎮爲甚以薊于

國初原爲內地既而大寧內徙虜患日熾額兵不足抽掣四

出於是有一衛之軍洒派于二十六守提之間者甚而路軍之更替不由于衛官衛籍之登耗無預於邊將招募分拏頂補淆亂卽有逃亡何從稽考近有創爲順衛之策者固爲有見第二百年來安土已久輒難變更今當清勾之初若不再爲整理是終于混亂無紀極也合無今次解到軍士聽臣督撫衙門依營定衛如發昌平者卽隸籍

八陵等衛發密雲者卽隸籍密雲中後等衛發遵化者卽隸籍遵化東勝右等衛發三屯管者卽隸籍忠義中興州前等衛發永平者卽隸籍永平盧龍等衛其發各路者亦如之

仍查係某省某府某州縣解來者先儘一州縣為一處不足則以同府所解益之再不足則以本省別府所解益之儘完一省再分一省使其鄉黨相依情意相屬互有管保可免流亡其所定衛分即移文原籍知會仍報兵部轉行原衛除伍庶尺籍既定以後再有清勾如持左券矣伏乞  
聖裁  
一議軍解先諛臣等議  
題清勾軍士不必拘妻不必僉解編成隊伍委官統領肅隊而來已經題奉

欽差遵行間續諛御史馬三樂題立程限以嚴稽考該兵部覆議仍舊拘妻僉解給限回銷此從來相沿舊例似與別議但臣等猶有遺慮夫約制軍士使不逃逸者此長解也煩擾地方苦害軍士者亦此長解也今日清勾之舉本為薊鎮充補額軍期收實用誠欲借清勾之名以行抽補之術非謂在途無虞即解軍故事也為今之計似當稍為通變合行清軍御史轉行所屬將一應清出軍人驗係壯丁或止就一州一縣為一起或數州數縣為一起編成隊伍每三人立一伍每十人立一隊長每三十人立一旗總每百人立一百總各將年貌脚色疝痣備造一冊用印鈐蓋以防洗改仍處給路費議定軍裝給與衣甲置與器械

選差的當官一員量帶壯快二三名多者四五名統押赴  
邊百總旗總隊長伍長就將應解軍丁家道殷實人丁衆  
多者爲之仍各立一副以便補充許即分官各軍行則同  
行止則同止逃相管保互爲連坐但有逃者罪坐原管之  
人如原管人并逃則嚴行原籍有司拘收家屬務拏獲正  
犯方行釋放則自伍長以上至統領之官皆長解也况清  
軍御史方在其地彼逃欲何之若在途必逃則至鎮亦無  
益矣至于軍妻往時亦多係雇傭蓋有子女者不能携無  
家計者不能娶賤而易雇則輕而易棄必欲拘妻同行須  
審求真正妻室併將年貌造入冊內夫以本處官員爲之  
統領又以同判頭自爲之分管行押解之法無長解之苦  
目前有衣械盤纏之益日後有幫貼聽繼之望鼓舞之下  
精神可振上不累解官下即便軍情一切科歛囚繫之苦  
既不能加而勒限回銷之例又不之廢似爲便益至於既  
解復逃并有非充簽者仍照部議拘妻僉解施行伏乞

議裁

一議軍繼爲照軍人之所以易逃與戶人不以逃軍爲意者  
正以聽繼之法未立也爲今之計合無于逃軍戶內挑選  
一精壯者補伍再審一殷實精壯者聽繼如本軍在逃即  
移文勾取聽繼之人此類人別有逃躲則罪坐戶頭繼

人捕獲房後則免其補伍此法行則不勞有司而軍之戶人自習保所以待一軍不逃軍未定者皆非空談擬令營人軍中造人三冊以備檢伏乞

聖裁

一、軍中押夫折到軍人皆蓬漸力遠成荒寒形孤影弔其誰不動堵莫室廣之念若安捕夫所勢安能一朝居耶所據營房一節不可不察應勾逃軍數勘合用營房數多責之舊軍則遺工去自心勢恐不服而新集之衆工作重役又不可不察房舍無處官轉行各道及各標各路每處先建營房一二百間俟軍到日行令主兵架梁防護各軍自行立戶抄報陸續修建營房期以三年內完報但夫匠諸役不可全無犒賞合用門窓金甌之屬未免稍有糜費本軍力難自贍本鎮又無銀可給伏乞

勅下該部量發帑銀二萬兩每瓦房一間給銀一兩草房一間給銀七錢軍有妻者每人一間無妻者三四人共一間如其新軍踴集修造不前則行兵備道委官暫查民間房屋每間每月不得過銀三分之上至於應給屯種恐邊山荒閑地土無多容臣等行道踏勘聽其開懇永不起科即不能徧及或查各供幫之薄者酌量給之亦足爲惠伏乞

聖裁



一議收補照得各省解到軍人若復解至衛所未免刁蹬而  
需索若遠分發各省又恐渙散而凋耗稽諸往事歷歷可  
鑒及查在邊軍士或有撫賞之徵或有工役之擾頭會箕  
歛不一而是惟隸督撫鎮協標下及各營各路副總叅遊  
者頗稱安閑軍心樂歸焉及今鎮巡協守標兵不足則取  
諸各路名曰調操而各路無兵矣各路標兵不足取諸各  
提名曰團操而各提無兵矣是故兵愈寡則勢愈難支獨  
者串營以寄身愚者棄役而遠遁今各提調下有軍不滿  
數十人者可憂殊甚爲今之計合行清軍衙門將清出軍  
士通解軍門應發馬蘭以西至昌平一帶者聽軍門就近  
定律應發松州以東至山海一帶者軍門驗明移咨巡

撫衙門就近定衛分別省分酌量起數務求適均定衛之  
後即批發該管兵備道一面徑發該管收伍一面行令該  
衛批籍一面移文戶部分司收糧一面關白鎮守衛門知  
會其管衛收管該道差人守催給付原押負役賚回繳照  
不許衛官與新軍見面致生刁索仍預行各管路衛所先  
立收軍赤曆文簿送撫鎮衙門印給收照以備登記至于  
收補之序先遵化三屯營建昌石匣諸管查其額數以解  
到新軍發練易出調操尖夜以還各路次則各路查其原  
無標兵如松棚古北墻子嶺曹家寨黃花鎮等處以新軍

酌發收練易出提調之兵以還各官又次則三屯遵化密雲各輜重營及車營不足者悉與撥補如其再有餘剩則每兵備駐劄之地預委空閑將官一員會同守備各管領新軍一枝聽其操練俟營伍既成另議發邊蓋兵備駐劄地方即部司同在今日投文明日准隨支糧事體自易且監司督察可免科索之擾又無工作之勞其於優恤尤便也

### 聖裁

一議糧餉夫安土重遷好逸惡勞人之同情今以內地之民應塞上之役既罹遷徙之苦又蹈鋒鏑之危工作以勞其筋骨空乏以餓其體膚剝削以浚其膏脂箠楚以戕其肢體且窮邊寒苦諸物踴貴即給月餉所得幾何此外債居之資蔬薪之費室家之養四顧徬徨無可仰給是故軍之赴邊不啻其就死也往往清軍至邊旋解旋逃竟鮮實效誠非得已若不破格優恤終難保其安伍合無以後解到新軍除隻身月糧一石外但係有家小者准照邊方優恤舊例每軍月糧之外加給口糧三斗期以二年爲止俟其室家既定屯牧相安人有固志然後照舊住支施行其應給布花亦不必拘泥舊例但係到邊三月以上者准令布花全支以示優恤夫在籍議有軍裝在途處有路費在邊

加以口糧布花給以管房屯地庶幾軍情相安迯移可免矣再照邊軍之苦莫甚於工役科派二端今每軍給以執照永免脩工但有管軍官指稱科派者許軍首告如係剋扣軍糧即照依侵盜官糧事例擬罪貪風乃止不然雖加給糧餉猶難保其不逃也伏乞

聖裁

一議督責爲照昌薊二鎮逃軍不下三萬其別處改發薊鎮逃軍抑或不下萬餘若使清勾有法即二三萬軍可立得也但有司意在私民實心體

國者少百姓憚於應軍詭譎作弊者多若聽其破調輕與除豁則兵之所獲者鮮矣今薊鎮缺兵至徵之江南調之各鎮抽募平民召募無藉勞費百端皆不遑恤柰何以衝邊之額軍祖來之正役顧容其破調而輕爲之除豁乎伏乞勅下清軍御史嚴督各該有司但係開去逃軍務要一一追求下落仍定擬分數以行賞罰如完軍八分以上者薦七分  
以上者獎六分以上者戒飭五分以上者叅降無分掌印清軍官悉照此例候清軍御史差滿之日分別具

奏施行其軍已到伍管管官不善撫恤致有逃亡者亦宜定以分數如軍逃二分以下者附過三分以下者降一級五分以下者降二級無分將領千把總悉照此例每年終各

兵備道查明呈報督撫衙門以憑具

奏庶勸懲既嚴人心知警所謂清勾之舉將不視為糜文矣  
伏乞

聖裁

隆慶六年二月初八日

虜賊復讐入犯仰仗

天威斬獲首級恭報捷音疏

隆慶六年閏二月二十三日戌時據遼陽副總兵趙完差

千戶趙繼宗報稱虜賊復讐入犯官兵斬獲首級大捷等

因到臣臣會同巡撫遼東都御史張學顏議照遼鎮三面

環夷在土蠻以尊稱其部落速把亥以強稱建州諸夷以

衆稱蹤跡連和聲勢相倚自去年有卓山之捷土速二酋

糾住臨邊與我軍相持三月未得入犯清河被挫諸夷懷

憤蓄謀未敢入逞自春以來冰泮草青土蠻雖已回巢速

酋則移住近邊環列窺伺以誘我兵馬東夷揣我兵西防

速酋不暇東顧既借兵於王台又糾衆於各寨或隱見於林壑或探聽於關市乘虛糾衆忽爾深入其謀若遂爲害匪細今在西斬首一十四顆在東斬首一百五十一顆內賊首佟瑣羅可赤一顆奪獲達馬一百四十匹夷器等項無算速酋爲之寒心近已北徙東虜爲之膽落不敢復來土蠻聞之當亦喪氣士馬未甚損傷屯堡未經圍困貢夷輸誠而驗馬軍民相率以耕田全鎮地方足稱無虞良由我

皇上軫念封疆之重嘉納大臣之言

賞不踰期功不待勘一時材官甲士罔不奮身矢志各懷圖報之心臣等申飭提撕得効馳驅之力故曾不踰旬又有此捷如輔臣本兵功在

社稷臣等不敢妄議所據一時用命効勞諸臣例當敘錄如鎮守總兵官署都督同知李成梁功成而憂勤倍切戰勝而振飭愈嚴運籌決策令何止於五申奏凱獻俘威常著於千里連奏膚功例應首錄協守遼陽副總兵趙完分兵設伏常爲先事之圖聞警申嚴屢建平胡之捷清河守備曹蓋志不懈於有終勇更彰於屢戰能料敵而出奇善以寡而擊衆之二臣者再立奇功例當併錄長勇堡備禦都指揮范芝設伏千總指揮王好善把總百戶趙愚駐兵待戰

預爲制勝之謀率衆先登共成全勝之績之三臣者奮力  
摧鋒亦當併錄帶分守道海東寧道事開原兵備僉事王  
之弼攝事半年功成屢捷近保給由資當陞錄戶部管糧  
郎中王念節費儲財馬騰士飽累助捷功仍應敘錄坐營  
中軍都指揮蘇承勛臣巡撫標下中軍原任叅將都指揮  
趙應昌與聞調遣之謀各効傳宣之力似當量賞再照隨  
事論功固

朝廷激勸之典竭忠禦侮實臣等職分之常况臣總督衙門  
遠隔談鎮不啻千里臨機調度未替一籌項荷

殊恩已踰分願今若再加論敘則稱塞未効於前惶懼愈增於  
後伏乞

勅下兵部照例查議將李成梁再加陞廕趙完曹鼐優加陞錄  
范芝王好善趙愚併加陞錄王之弼查近日給由事例與  
王念量加陞錄蘇承勛趙應昌量加賞資仍乞

皇上鑒臣等一念赤誠非有矯飾

勅下該部知道欽此

聖恩有以... 下情獲安有餘獲功應賞應陞人員及地方有  
無搶掠隱匿等情通行巡按御史覈勘徑自具

奏

隆慶六年閏二月初六日

主將出塞獲功疏

准巡撫遼東都御史張學顏咨據坐營中軍蘇承勛呈稱  
會同總兵官李成梁議照本鎮與虜相待而速把亥諸部  
尤悍尤近守邊將官以收操藉口未敢出邊一步以躡虜  
蹤故彼敢入而我不敢出每年聚牧內侵略不知畏該總  
兵官李成梁與職計料虜酋分營率難糾聚馬匹瘦弱勢  
有可乘雖營帳甚遠不宜擣巢墮賊計中亦宜偶出揚兵  
以奪虜氣先於正月初十日由鎮夷堡出邊八十里至皂  
洞山又於二月十四日由鎮邊堡出邊六十里至亂石山  
因賊遁未曾斬獲先後採運雜木數萬近報速把亥自長

勝堡被挫漸徙廣寧之北總兵官李成梁遂統領遊擊傅廷勳坐營中軍蘇承勛等官軍推挽戰車擺列大營突出邊牆遠踰百里斬首六顆奪獲遠馬二百二匹蓋數十年來未有列堂堂之陣直至虜地如此者因虜衆奔散不能大有斬獲以快將士之心然我軍敢戰之氣奪首首窺伺之謀其功雖小其事頗難即今春月垂盡地方可保無虞所據總兵官李成梁忠誠任事勤苦防邊決策於師中揚威於塞外與傅廷勳蘇承勛等冒險驅兵勞俱難泯伏乞

勅下兵部查議將李成梁與傅廷勳蘇承勛紀錄其獲功願賞二三名銀數不多請已行該道支庫銀給賞訖其願陞三名應候轉行巡按御史覈勘明白具

奏爲此除具

題外咨願查照等因又據總兵官李成梁揭同前事各到臣該臣看得前項虜賊節犯遼鎮各該官軍奮勇屢獲全捷蓋緣撫鎮同心先爲必勝之筭以故將士用命遂收俘馘之功壯哉此舉真足以作我士氣而奪彼虜魄矣所據斬獲首級得獲馬匹與應該陞賞人員伏乞

勅下兵部再加詳議照例行巡按御史通行覈勘明實徑自具奏施行



隆慶六年三月十四日

恭謝

天恩疏

隆慶六年三月十八日准兵部咨爲虜賊復讎入犯仰仗天威斬獲首級恭報捷音事該臣具題本部覆奉

聖旨是劉應節賞銀四十兩紵絲二表裏張學顏陞俸一級李成梁賈汝都督同知還各賞銀三十兩紵絲二表裏曹鼐陞二級賞銀二十兩紵絲一表裏趙完范芝各陞一級賞銀十五兩王好善趙應各陞一級王之弼賞銀二十兩王念十兩欽此欽遵備咨到日除將賞冊具香案望

關叩頭謝

白川奏義

恩外竊惟遼海之師屢獲捷

聞實仰仗我

皇上天威震疊及該處將士用命所致臣雖叨後督  
鎮實難遙制頃者立山之捷既荷

聖恩優以

上賞已慙非分廼載拜

殊錫寵渥逾常臣益悚懼不寧惟勉勵初心倍加感奮以圖報  
稱於萬一耳

隆慶六年三月二十四日

明旨據愚見條陳前鎮事宜以少裨邊方大計疏

據前鎮總兵官戚繼光會同前鎮守道兵備副使徐學古  
等呈稱蒙臣案驗前事依蒙會同各官議開各鎮應派南  
兵并應用銀兩各數目開報前來臣會同巡撫順天都御  
史楊兆謙照自

國家疆場多事不得已而徵兵又因用兵之不得已而計  
費若兵逾故額費無常經費豈惟可計者之憂亦臣等之所  
甚懼也查得前任總督劉喜題為議處財用定經制以垂  
永久事內開邊警鎮設客兵年例銀二十九萬八千五百

八十九兩五分五釐蘄州鎮該客兵年例銀二十九萬二千五百八十五兩六錢五分永平鎮該客兵年例銀一十一萬九千七百三十兩八錢五分昌平鎮該客兵年例銀一十一萬八千六百四十二兩五錢五分此嘉靖四十五年具題至今相沿以爲經費之準也又查得前任總督譚綸

題爲懇乞

天因議處入衛兵馬土兵宜練邊兵宜減兩全重鎮事延綏寧夏固原兵馬五枝每枝各減五百名共減兵二千五百名宣大遊兵三枝每枝各減五百名共減兵一千五百名又

減去延綏入衛防秋備冬一以二千五百名忠順軍二千名通共減去兵八千五百名共減去者原議各處土著以

補行伍此自隆慶三年以來經費之後節次削去之兵數也在隆慶四年僅募得奇兵三千旋復逃去五百已經題過頂補減去客兵二千五百之數尚餘未補客兵六千名并近日罷去民兵一千名固原兵二千五百名共九千五百名乃以南兵九千名補之是今日所謂之兵原未出前日所減之兵而非有所加也今日養兵之費亦取足于舊日經制之額而非甚相遠也中間兵食不相當不得已必

仰給于

內帑者節經計筭該銀一萬九千八百餘兩然猶遺固原營

每年犒賞銀二千五百兩未曾議入若併此計之止該補發銀一萬七千三百餘兩而已臣等又看得昌鎮邊臺頗在腹裏難無警南兵守之但節年減去客兵亦有昌鎮防守之數而南兵遇昌鎮有警亦有調遣應援之責况密鎮分司先因募到奇兵二千五百獨坐該鎮增餉已多若再將南兵工食一槩分派愈致不均合無姑以各官議數為準除山東民兵銀二萬四千兩客臣等催到分發各部分司支用外今照密雲鎮南兵三千一百二十二員名每年該銀五萬七千兩內除山東應解民兵銀八千兩尚該部發銀四萬九千兩應令昌平密雲二鎮各均攤銀二萬四千五百兩蘄州鎮南兵三千五百一員名每年該工食銀六萬五千八百八十兩內除山東應解民兵銀一萬兩尚該部發銀五萬五千八百八十兩永平鎮南兵二千三百五十四員名每年該工食銀四萬三千二百餘兩內除山東應解民兵銀六千兩尚該部發銀二萬七千二百餘兩合行各管糧部中另項收貯專備南兵按月支領應用以便查盤其管臺千把百總千總管臺獨多人數頗少相應量給一丁一馬以便奔馳把總量給一丁差用百總止守一座不必加給似於人情乃安再照新舊南兵原止議以九千爲率故舊兵三千遣回二千照名選補又新募六千

連存留南兵共合九千之數及查舊在南兵連中軍千把  
百總旗牌教師等項實共三千七百餘員名及南兵去後  
本鎮又徑召一百餘名故今見在九千之外又多出九百  
餘人而減總兵議加工食遂至一十八萬四千餘兩但今  
財用匱乏合將舊兵并新兵內挑去不堪者九百名量給  
路費責令回籍以省軍餉惟復念其素練之兵准加工食  
一體留用等未敢擅便擬合上

請伏乞

勅下該部再加查酌覆議奏

請定奪通行臣等督撫衙門備行各該鎮道及劄行各管糧郎  
中員外郎等官遵照施行

隆慶六年四月初四日

改河通漕以濟邊儲疏

據密雲兵備副使王一鶚呈准密雲管餉郎中侯國治手  
本議稱寒備以儲糧爲急軍需以漕輓爲便乃密雲一城  
環控潮白二河若天關以便漕者向以二水分流至牛欄  
山始合故剝船自通州而上者至牛欄山而止若至隆慶  
倉則雇覓車驢從陸輸輓軍民艱苦之狀水次露積之虞  
難以悉狀先蒙前軍門楊尚書開府本鎮之時相度水勢  
詢訪輿情題爲改河資運直抵密雲備陳四利預防一害  
已有成議奉有

俞旨矣因循至今二水未合蓋緣白河之水西北去城二十里

許先年由馬頭山出經懷柔會潮河于牛欄山今徙流于  
西城之下與潮河相望者不二百步蒙總督劉侍郎已於  
舊年勘議築三合土堤於城北障水防城俱已完備是昔  
苦其遠者今則近矣又潮河自城東來漸從而北射城之  
腋每防衝突今又蒙總督劉侍郎巡撫楊都御史相度經  
畫築三合土堤於城東橫峙十里障之而南是向憂其近  
者今則稍遠矣近又置渠于上植壩于下邀潮河以入於  
白河兩水之流已爲一派水益深則漕益便所謂四利者  
可望畢舉而一害已爲永除矣又蒙軍門乘舟履河而下  
直至順義商舶有揚帆而上者直抵密雲窮塞村居始識  
帆檣影聞梯檣聲矣剝船可達密雲無疑矣漕渠門門示  
通流漕粟當復其舊額何以故蓋密雲一鎮軍門開府其  
間乃薊昌十四路總要之所所五萬衆會集之地故  
其會計經費視諸鎮獨多而地僻民稀耕稼無其糧餉  
視諸鎮獨貴所仰給于漕者尤急也漕之民運之外所賴  
者止有召商三耳然邊鄙民貧日甚無可爲商每至僉充  
若將軀就陷陷豈可爲終久足恃者哉天時固不  
可必人事之不可料也漕米將盡商買不繼年歲不登諸  
軍止乞粟而不顧新色或警報至至兵馬雲集此時將責  
成於商乎將待哺于漕乎故嘗謂召商之苦宜甦也而漕

糧之額宜復也夫漕糧或加或減或行或停迄無定議者  
總爲甦恤運軍之苦耳運軍之與邊軍其輕重緩急固不  
待較而本鎮近日亦豈以秦越視運軍哉大都甦恤運軍  
之苦不在漕額之增減而在綜理之踈詳以天時言之先  
年運船之來也秋深則水溢矣入冬則河冰矣羈候交兌  
何其苦也今運船二月即到四月已齊水溢河水非所慮  
也以地理言之先時邊倉之完運俱責成於運軍陸路之  
轉輸每見指於脚戶今一水之便直至密雲城下而邊倉  
之分運本鎮自任之不以煩運軍矣以人事言之待運而  
露積有雨水之淋浥空運之不繼苦寄囤之無倉今達  
密雲者直輸之倉無復露積阻於水溢者順義新倉可以  
寄囤矣此所以爲運軍甦恤其苦者綜理亦既周矣使復  
原額益以萬石主兵之漕如故而客餉得資五萬即計有  
十利焉密雲召商買米每石常至一兩今漕糧足歲支之  
數厚價以召商一利也往昔主客之糧歲買不下十萬客  
兵則盡賴召買今加復原漕即客兵悉有賴焉二利也發  
漕米一石於密則扣折色價一石于部若止照七錢扣留  
存庫而以五錢折色放軍在密雲每石商價已省三錢在  
部扣則折色支放每石又餘二錢發一石之米存五錢之  
價三利也主客之兵欲折則折欲米則米隨時應之不爲



所窘四利也荒歉不能爲之災烽警不能爲之縛五利也  
軍儲所在民用資之耕農雖少米價不騰六利也舟運抵  
城直輸入倉則陸運脚價可省每歲計之亦得萬餘而民  
間車驢更免拘集七利也又查得通倉粟米每至腐積各  
軍領者每爲蹙額今移通倉應貯之粟以漕於密雲而以  
密雲扣存之折色給通倉應領粟米之軍則通倉無滯腐  
之粟京軍有實受之惠八利也漕米既足歲計已充民間  
召買買米之苦可以甦息九利也漕艘鱗集商舶踵至市  
塵日充民生日阜十利也加復五萬之漕而十利舉焉似  
亦可爲也歲計該十八萬則十一萬之外尚欠七萬而止  
請加五萬者爲近日分司侯郎中所以計節之法有三善焉  
之不變不惟可以免加二萬之本色而尤可以增分外之  
儲積即如本官近議漕米正數之外有原來耗米之餘者  
即爲收買臨清濟寧二衛而買其餘米三千六百石有奇  
國家既省商價運軍又得實惠以十五萬計之每年豈無一  
萬餘米可買者耶又爲權宜折支之法如客兵經過及凡  
應支本色而各軍額支折色者每石以七錢折支既省買  
米之脚價又存倉中之本色每歲折支豈止萬餘石耶又  
以尖米俱作正支每石三升十五萬計則積四千餘矣此  
二萬未請之本色不必仰給於漕不必召買於商止以本

官之法行之本色尚有餘積也惟漕糧如准增發則自此以後本鎮所當經理尚有三事焉多造小船自餘隻每隻可載四五十石者以資撥運免拘民船免滯運軍一也城外設立曬場二也每年撥軍挑漕於淺杜塞枝流以待運船之三月至者三也是皆易易事耳此舉也上關國計下係邊儲伏乞採擇合候題

請爲邊方圖大計爲軍民垂永利焉准此該臣會同巡撫順天都御史楊兆議照密雲城外潮白二河皆巨流也頃緣二水未合舟楫難通今近城東西之堤岸已成楊家莊之河流已改臣等親自放舟自鎮城由牛欄山至順義一帶行無碍各處官船商船亦漸集密雲城下則前任總督楊博所謂四利兼得一害不生而密雲道復議十利一漸次可舉矣合無伏乞我

皇上俯念前門重鎮邊儲大計

勅下該部再加詳議如果可行准如管糧郎中侯國治所議將洗年減撥米四萬七百餘石再益以九千二百餘石共足米五萬石撥發本鎮專備客兵之餉就於歲計客兵年例銀內每石扣銀七錢共銀三萬五千兩存留太倉銀庫補給京軍折支以抵加覆漕糧之數其不敷米石隨時糴買或聽兵便折銀計足支用不必再行召商以滋煩擾仍容

臣等量動漕運扣省脚價銀一半民兵銀一半共造船百隻以便輸輓以免拘集民船之苦原管修河築堤委官薛論道頗有心計就令專充管河把總每歲量派給軍夫查有淤淺可濬枝流可塞者就便如法興工數日事畢各軍即歸原管其城外曬場候事完之日臣等徑自議處施行庶兵食俱足公私兩便而

畿輔重鎮永久之利其在茲矣

隆慶六年六月初九日

國計甚詘邊費孔殷懇乞

聖明校覈鎮兵以稍裕軍儲疏

據密雲等道兵備等官王一鶚等呈蒙臣案驗前事云

題奉

欽依備咨准此俱經通行各道會同管糧衙門從長查議備細造冊呈報去後今據前因臣會同整飭薊州巡撫順天都御史楊兆議照

國家置兵以防邊故有是軍則有是糧即鉅萬弗惜况鎰銖乎所謂虛冒者無是軍有是糧也即鎰銖可惜况鉅萬乎方今財用詘乏之時未宜以兵而耗食顧邊方多事之日

亦未可因食以耗兵項蒙

先皇軫念邊計

特差御史一員清理錢糧臣等與之協心共事百計搜刷開以自首免罪之條懸以告訐百金之賞計諸路澄汰老弱裁革冗濫開除逃故等項薊昌二鎮共二萬一千餘人又早議撤邊不輕調遣歲省邊計幾三十萬金臣等方私幸一時邊伍足稱清肅曾何幾時乃今復有虛冒之議減兵之說事關兵馬錢糧果如所言則臣等罪不容死是安可緘默不申明於

口父之前哉竊詳陳給事中所題謂薊鎮見在之兵十虛五六又謂練兵日久宜無藉客兵要

請差精敏憲臣一員詳核兵額以減省邊餉在戶部覆議謂薊鎮之兵或分置十區或添設遊兵或添設標兵或許募家丁年例加增動數十萬又謂先年薊鎮主兵不過三萬漸添至隆慶四年分布防秋主兵八萬五千餘名隆慶六年會計却又有九萬四千餘名又謂臣奏內開稱薊鎮逃故軍士不下三萬別省改撥薊鎮不下萬餘據此則逃竄之數已及四萬見在正兵上應四萬五千有零又謂清勾軍士不開除逃亡有增無減要行本鎮自行查理使兵有定額糧有定數等因夫言官論事得自風聞戶部雖憑尺籍

而未暇詳核秦人論越人之肥瘠宜乎其未審也臣請得而詳言之查得昌鎮三路一標二營原額官軍二萬四千七百九十五員名遠年逃故六百八十七名隆慶四年五年至六年五月止開除逃故四千五百八十四名新收軍四百三十八名實在食糧官軍一萬九千九百六十二員名薊鎮十一路五標原額官軍九萬一千一百二十五員名遠年逃故一萬三千一百七十五名隆慶四年五年至六年四月止除召補外又開通逃故一萬六千六百三十一名實在食糧官軍六萬一千三百一十九員名是二鎮主軍原額共二十一萬五千九百二十員名除遠近逃故開除三萬五千有餘外其實有官軍八萬一千二百餘員名俱有按月食糧掛號底冊可據臣等清勾數內所謂逃故軍士不下三萬者即此數也其二云別省改撥不下萬餘蓋自各省衛分逃軍奉例改發薊鎮者言之非謂薊鎮又逃軍萬餘也隆慶四年秋防分布官軍八萬五千餘名則有寧山河間天津通州等衛班軍在內以班軍得食主餉因列主兵見有分布文冊可查而本鎮主兵固不出此八萬之數也隆慶六年會計開稱九萬四千有餘則連直隸班軍并衛所官旗城操俱在其內見在咨案可查而本鎮標路之兵得與分布者亦不出此八萬之數也此昌薊二

鎮主兵之大較也以客兵言之其初山陝宣遼入衛邊兵十五枝各省民兵五枝共二十枝計得兵六萬連調到班軍每防二萬九千九十六員名共得兵幾至九萬節經諸臣建白先後減去遊兵八枝止存七枝減去民兵三枝止存二枝今邊兵七枝內又各減去五百員止存二枝內又減去山東一千共減邊客兵三萬七千五百員止存客兵除新收南兵九千召補過奇兵二千五百以抵減去之客兵之數實減去未補客兵二萬六千餘名班軍數仍照舊此二鎮客兵之大較也夫主兵十一萬五千有餘遠年開除者止一萬七千六百餘名今三年之內開除二萬一千餘名則非所謂有收無除矣客兵除班軍充數外邊兵民兵共二十枝已減去一十一枝則非所謂有增無減矣計今昌薊二鎮實在主客官軍共不過一十三萬有餘分置十區者便責成耳增將未增兵也調為標兵調為遊兵者便策援耳增標未增兵也或許其募兵或召為家丁亦求補其原軍之額非溢於官軍之外也此二鎮主客官軍節年處置增減之大較也夫三三已除矣而責除不已客兵已減矣而責減不已復收召補之令不願清勾之遺得無近於銷兵之計耶諱自往事觀之

國初設立大寧實與宣遼并為外藩薊門猶稱內地既而大

寧內從復設朵顏二衛藉爲捍蔽當時止遣兩關御史董其事不設軍門不設鎮守蓋緩之也自正統己巳之變虜漸生心馴至嘉靖庚戌而後屬夷即大虜矣薊門烽火直達

京師一切防禦之計居然與宣大相埒始而防秋既而防春馴至四時戒嚴無復解申於是薊鎮即邊鎮矣當其時原額之兵不滿三萬邊臣倉皇無可措手於是外徵各鎮之兵以爲聲援內主抽梁之議以實行伍其初雖出一時權宜之計然而乘障畫守各有信地於是客兵即額兵矣數年以來人衛之兵疲於奔命又半皆孱弱在各鎮則徒勞無益在薊鎮則有名無實於是講者漸有撤減客兵之議然客兵固所當惜而薊鎮不可無守於是議者又有募練土著以減客兵之說夫懸重賞以購猛士今數年於茲矣止募得奇兵三千旋復過去五百今見在者悉各路中營游食之徒也取盈於此致虛於彼始以募賞而來既而賞盡以去故此奇兵三千徒抵退客兵三千而實未嘗得一入也於是召募難行乃有清勾逃軍之議然而勾獲之多寡實効之有無尚難逆睹據今所解到即老弱者過半矣况老弱者亦未必其安伍哉今欲足薊鎮之兵以定主兵之額則非臣愚所及不知將以

國初主兵三萬無三衛之屬夷以爲額耶將如嘉靖庚戌而後主客二十萬以爲額耶抑止將今日減留主客十七萬以爲額耶臣按本鎮西自鎮邊東抵山海延袤二千一百零七里除險山勿論外計極衝之處新建敵臺一千二百零六座每座置兵五十共用兵六萬三百人邊牆每丈一垛每垛一人計垛十餘萬共用兵十餘萬人其次衝之處邊牆亦一丈一垛每二垛一人計垛十二萬有餘則用兵六萬有餘中間出哨擺撥傳烽等項可用二萬餘人各標并各營路策應轉戰之兵可用五萬餘人是本鎮因地以制兵似非三十萬不可也若比照隣封宣大等鎮宣府地方六百餘里額兵一十五萬一千四百餘人大同地方一千餘里額兵一十三萬五千七百餘人今昌薊二鎮之地無宣大之二鎮而有餘乃昌薊二鎮之兵較之宣大一鎮而不足豈

畿輔根本之地顧輕於邊鎮耶然則援彼例此即地且相若亦非二十八萬餘人不可也臣等非不審

國家之力故爲是狂大之言蓋名曰額兵將以定今而準後也藉使在

祖宗之時處邊患之重創設薊門之兵議定薊門之額則其視薊鎮也必不輕於宣大其設薊鎮之兵又豈視宣大獨減



哉是故兵多則勢強食足則兵壯然後爲薊門畫久計凡有數策焉伏望我

皇上帝奮乾剛力圖恢復興三衛問罪之師復

祖宗大寧之舊以精兵二十餘萬控制外邊仍以舊兵八萬彈壓內地俾

畿輔之有背益厚宣逾之聲援相通

國有重關庭無近寇此萬年之計策之上也如不能然則一墻之外卽爲虜穴非屯重兵安能固守須如前議置兵三十萬或二十七八萬星布棋列據險以守俾擺邊之外有往來應援之兵應援之外又有各標待戰之兵車騎相雜

應尾宛如常山率然之勢此百年之計策之次也再不能然則宜早定畫一之制急求實在之兵或抽塚民間或選自各鎮務補完主兵一十一萬之舊仍更補客兵近日減存六萬有餘之數共以一十七萬爲額訓練有成常川皆在俾兵食皆取足於本鎮不必仰借於隣封此目前苟安

之計策之下也乃今皆不能矣以兵馬則仰給於各鎮或聚或散猶如奕棋以錢糧則數煩於戶部或予或奪殆類乞糴入衛者半枵腹以荷戈上班者張空拳而負畚爲之練卽如搏沙教之戰猶若談虎兵寡邊長掣襟露肘則不

亦近於無策耶臣等欲請兵請食則疑爲內喝因循坐視則恐誤邊計議論繁多事體牽制誠日夜焦思莫知計之所出矣竊謂今日邊事非大有所爲以定久安長治之計則亦未宜日事減削以馴至于極弱不支之地今於無策之中爲萬不得已之計或姑將清勾新軍補足三五其舊額一十一萬再有餘則查見在不堪及召募不實者汰而補之入衛客兵近議分番休息又加給犒賞軍不告勞事體稍定未宜再爲紛更以致軍情搖動但得各鎮同心仍以精銳來戍不徒以老弱充數則尚可徼倖一守猶愈於束、坐視而付之末如之何者也至於練士著減客兵之說尤未易言夫本鎮之兵雖疲於工作困於征辦然乘暇訓練今亦稍有次第矣但二鎮主兵不過八萬除昌鎮少緩外在節鎮不過六萬有餘即練成六萬之衆顧可減去客兵六萬而能守此二千里之邊乎故今非有兵而不練蓋欲練而無兵必欲練此以減彼則姑俟補完主兵一十一萬之額而後客兵可議罷也大抵天下未嘗無兵亦未嘗無食即古之列國帶甲控弦之士動稱七八十萬邊患莫甚於宋而宋之備燕雲者不啻百萬即西夏一路猶屯兵七十餘萬豈以堂堂

天廟全盛之時顧爾無策之甚耶竊意

國家邊事不議復兵農之制而但取給於  
內帑必無能養兵之日兵不能養即召募徵調清勾皆為虛  
文必無能足兵之日但臣等智術短淺不知大計又迹涉  
當局未足深托伏望

勅下該部議差精敏憲臣一員將薊鎮兵馬錢糧嚴加查核是  
否有收無除十虛五六以正邊臣欺罔之罪再乞

下廷議將薊鎮額兵應以何數為準必如何而後額兵可足以  
定軍國經久之計仍乞將臣等先行罷斥以為人臣任事

自陳不職之戒

隆慶六年七月 日  
自陳不職之戒

賜罷斥以禪

新政疏

近准都察院咨為傳奉事准吏部咨該本部欽奉

聖諭朕初嗣大位欲簡汰衆職圖新治理六部等衙門四品以  
上及各總督提督巡撫官俱着自陳去留取自上裁欽此欽  
遵咨煩查照施行等因到臣除欽遵外伏念臣迂腐豎儒  
孤寒賤士謬通仕籍二十餘年比蒙

先帝簡拔誤畀以疆場之寄又復六年於茲矣歲月徒積功業  
無聞才不勝任事每周章望不憚人動成齟齬况夙嬰瘡

鬱之疾近又益以便血之瘡形神俱敝智慮彌昏每欲懇  
乞

君父放歸田里以邊方多事未敢瀆

聞茲值我

皇上大奮乾剛首舉黜陟幽明之典正淬礪羣工之日乃以昌  
薊重地

幾輔要津臣自知其非據而因循不言

廟堂亦悉知臣之不肖而姑容不去倘馴至悞事雖糞粉何及  
伏乞

聖斷將臣亟

賜罷黜另選賢能以充厥任則倖位一清邊政可舉臣下情無  
任隕越待

命之至

隆慶六年七月 日

慶

賀疏

恭遇

皇上兩登

寶位正待維禋壇場密邇

筆輟誠忻誠忭稽首以首上言稱

賀者伏以

乘乾御世

皇極開再履之元

出震當陽

鴻圖衍一統之盛

神人胥慶

朝野騰懽恭惟

皇帝陛下

仁孝性成

聖神天授

冲年踐祚卷阿歌受命之長

虛已任賢訪落頌率時之智首渙

綸音以嚴邊備風清萬里之塵大計吏治以肅群工雷動

上天之令下民謳歌四起

上天眷祐獨隆茲當

聖作物睹之期正值內順外威之會

基命則夙夜宥密遠邁成康顧誕之傳

務學則緝熙光明克績

祖宗燕翼之烈臣忻逢

萬化之新叨厠九卿之末鞠躬屏氣未傾虎拜

丹墀望

闕瞻

天竊仰

龍顏於紫塞伏願普施

離照總攬

乾綱華夷戴

日月之明華

皇圖於地又龍虎際風雲之會祝

聖壽於天齊臣無任雀躍忻忭之至

隆慶六年七月二十日